



Politička organizacija građana "Naša stranka"  
Branilaca Sarajeva 5/1, 71 000 Sarajevo  
Telefon: 033 551 225; Fax: 033 551 226  
E-mail: [nasastranka@nasastranka.ba](mailto:nasastranka@nasastranka.ba)  
Web: [www.nasastranka.ba](http://www.nasastranka.ba)

Sarajevo, 30.05.2016. godine

**NAŠA STRANKA  
KLUB GRADSKIH VIJEĆNIKA NAŠE STRANKE**

Dostaviti:

**Služba za skupštinske poslove Skupštine Kantona Sarajevo  
Ministarstvo saobraćaja Kantona Sarajevo**

**Predmet:** Zastupnička inicijativa

Poštovani,

Klub zastupnika Naše stranke u Skupštini Kantona Sarajevo podnosi inicijativu za uređenje autobuskog stajališta u ulici Hadži-Beširevoj, naselje Bjelave, u jednom pravcu. Naime u ovoj ulici autobuski i minibus saobraćaj odvija se u oba smjera, a na stajalištima zaustavljaju se GRAS-ova autobuska linija 14 Dom Armije-Podhrastovi i minibuska linija 74 Park-Sedrenik (Rogina)

U pravcu Podhrastova i Sedrenika u ulici Hadži-Beširevoj postoji autobusko stajalište bez predviđene čekaonice za putnike. Pored nepostojanja čekaonice za putnike na samom stajalištu nedavno je otvorena kladionica te se veliki broj automobila parkira na mjestu predviđenom za autobusko stajalište, što vozačima koji dolaze iz oba smjera stvara problem u saobraćaju te onemogućava vidljivost putnika koji stoje na stajalištu.

Također, u blizini ovog autobuskog stajališta nalazi se Osnovna škola „Alija Nametak“, a veliki broj djece koja pohađaju nastavu u ovoj školi koristi pomenute autobuske i minibuske linije, stoga su prevoz primorani čekati na neuređenom stajalištu. Nepostojanje uređenog autobuskog stajališta i promet saobraćaja u ovoj ulici direktno ugrožava živote prvenstveno djece (što je vidljivo iz priloženih fotografija), ali i ostalih putnika.

Iz ovih razloga, Klub zastupnika Naše stranke u Skupštini Kantona Sarajevo, na osnovu primjedbi građana naselja Bjelave, izražava zabrinutost zbog postojanje direktnе prijetnje sigurnosti građana i podnosi inicijativu za uređenje autobuskog stajališta u ulici Hadži-Beširevoj i postavljanje čekaonice za putnike. Pored toga, na osnovu čl. 13 Pravilnika o minimalnim tehničkim uvjetima za izgradnju i upotrebu autobuskih stajališta, zahtijevamo obnovu ploče s imenom stajališta i izvatkom iz vozognog reda i postavljanje košare za otpatke.

S poštovanjem,

Klub zastupnika Naše stranke  
u Skupštini Kantona Sarajevo